

太上三十六部尊經卷之二

目四

太上三十六部尊經

玉清境經下

黃林經

上真經

道教經

太上鍊經

太上妙功德經

道德經

已上六經同卷

玉清境黃林經第七

正教廣明無有限量人天歸依無有窮盡於一切見在未來均俱正性若或過去生中有未聞法今今皆得自然歸奉教法無有障礙若復有人出家慕道能知信向因是長養其身既長養以來未識法性即於此中輕譟諂曲強要名譽希望衆人恭敬自無所得何以利他將謂出家能明正性而復愚癡猶如盲人自無所見引人路途轉轉迷惑而不知覺若或布施強生讚嘆皆生貪求而無利益則

於一一念中皆是煩惱無有休息又如嘆言
曰道以一音而爲說彼欲彼衆生各各具足
各各得其解脫悉皆讚嘆而於自性未能解
悟

天尊遂謂衆曰我於說法時先令一切自明
本性然後教人受持如我所說以是因緣故
諸法通明還復教人是諸衆生得是法教如
子得父母故於一切嘆說是妙法增益功德
如大海水還復周流無盡時於大衆得聞是
說皆生歡喜因緣如是希有諸餘眷屬聞法

亦稱希有則於衆中未聞未了皆得通解無
量增益從此發念俱獲正真仙童侍衛百千
音樂種種香花受諸果報俱入大教無爲之
果汝等今衆及未來世總除惡行而行正法
遠惡就善棄絕爲始捨樂求道是吾種子如

日四

二

上正行實難思議而不淨者變令淨爲我法
受持如或未淨即令了淨如是如是若或具
足真實智慧真實妙寶故非虛謬善來眷屬
甚深妙法因緣會遇念念遷改轉凡入聖從
粗入妙捨身受身爲真仙侶六位七位亦復

如是成真得道亦復如是若或衆生爲魔所
擾形神離舍長役陰關無有解脫如是之事
甚可怖畏思道出家遠出塵漏如我所說復
能行者是生快樂不墮輪迴不生邪見能除
一切無有貪着常奉正教無有暫捨恒如飢
渴須得飲食而說偈曰

清靜妙因 普及一切 未發心者 令得發心
諸不信者 亦令趣向 大發善願 各得精進
善說法者 猶如良醫 得以妙藥 治諸盲人
今見日月 是大經典 開發慧眼 令得安住

黃林經靈符

木庚

艮庚

坤庚

巽庚

巽庚

艮庚

坤庚

巽庚

日四

三

未精

艮庚

坤庚

巽庚

玉清境黃林經終

玉清境上真經第八

清靜妙品自然無有他想至上無極遍及無
邊無量一切天人無不敬仰受持經法如愛
重寶如敬我身如愛己子念念不忘即令汝
等便得解悟得無上力常住不動無上無極
轉輪成就是修道行仙之導師若或說法無
不稽首若或辯論無不稽首善來聞法一切
解悟三界虛空權假是名聖人如有威德
力故行妙法示諸衆生如是難事凡夫下劣
無有勢力不能度量如是之事故昏迷難入

聖人於是故行智慧方便門戶引諸衆生皆
成妙善至於上境精持教化乃可脫離苦趣
況夫五陰無實三徒苦多念念生滅諸法不
住善來會中不退不轉善得果報是名爲樂
勝因常行清靜無礙自在得善果報汝於會
中思量功德輕重利益之者復次覺真若有
道士女冠功德積累不可思議真實法侶三
萬六千人衆所共知明大智慧行皆悉成就
大道威神爲護法城受治正法名聞十方衆
人所請紹隆三寶能使不絕降伏魔障制諸

外道悉以清靜永離愛纏心常安住無礙解
脫念念總持辯才不斷布施持戒忍辱精思
微妙智慧及方便力無不具足一隱一顯處
於虛空其大智力得無生忍成道名字入不
退轉入清靜行略說大道五百劫中講經說

日四

四

法終日竟夜論說其義終不能盡汝等當知
自此以去百千萬劫若有修行至無爲處無
相有相智慧入定不起法忍從上至下稽首
稽首三十二相了見道意神智無量猶如虛
空不可量度復次至人於往昔時求道正教

憐愍衆生如母愛子道甚久遠非是今日若能
能懃心奉持念念不忘自發是言善哉善哉
名爲方便十方尊神感我是心皆施妙法力
即於是時五路通達魔鬼潛伏正於其時皆
明正願各得成就而說偈曰

我今所見即知正法 有大果報難可譬喻
如於暗處得大明燈 普使一切得是光明
身得安穩 無有煩惱 以是因緣 悉得具足
善哉妙法 方是深奧 以是義故 成就果實

靈
靈
靈
靈

清
清
清
清

清
清
清
清

四

五

玉清境上真經終

玉清境道教經第九

嘗聞至道無言妙隱玄中之玄因問之曰

天尊遂謂諸天仙衆無極無邊至真大神同
會妙有殊庭闡揚教範汝等皆欲求道而曰
聞道粗妙甚多汝今發問是聞果實乃發此

心求無上道終不可得如五道大力鬼神則
於劫中皆同天地生化爲生疑網求於祭酒
永居土地不能聽戒去失道本如汝等心欲
聞我正教當於此時發無上大智慧心大不
可思議心而後得聞汝令覓道汝曾得聞希

有希有道非色中求非不色中求不着有中
求不着無中求爲諸衆生假作諸法隨其所
設強立名字得其名字實離名字無上正真
但聞其名無量功德不可思議何況受持雖
無形相杳杳冥冥其中甚精無礙上法真性
不動其威如海其威廣大降伏勞怨制諸外
道甚難可得應化無邊不可思議是道玄妙
是言希有之事說是法相我今受汝汝當信
念莫生退想莫懷疑想莫起畏想莫信他想
莫言無力莫言甚難但須直心正念種諸善

根自然了法入道源流常得一味若無所得
不起法忍善習智慧常勸一切普令得道無
生障礙勿生嫉妬但施一心平等說法最上
因緣實難思議無有窮盡廣說因緣無有懈
怠常作法音讚嘆歌詠令一切衆生同生廻

日四

六

向發無上至真大不可得心成大圓滿修習
正教廣度無窮各運大不可思議力大智慧
神通力當於此時受法得度善來因緣如是
如是若有衆生於劫劫中略得聞法亦復如
是無有限量無有邊際皆是種子恐於種子

自不能種難生果實汝等一切甚難希有能
隨順轉永不退輪悉皆具足知種善根是諸
天衆得無所畏功德智慧以修其心相好嚴
身具足第一先得善果捨諸世間所有好名
稱高志趣高遠無餘復習而說偈曰

以此善道示諸世間猶如天雨潤益增長
一切諸衆成就果實悉除飢饉多受豐樂
神尊祕藏無量智慧衆惡永滅萬邪不干
神照深遠得其玄妙真實不動得無畏力

豐 豐 豐 豐 豐 豐 豐 豐

豐 豐 豐 豐 豐 豐 豐 豐

日四

七

豐 豐 豐 豐 豐 豐 豐 豐

玉清境道教經終

玉清境上鍊經第十

道言會中善來無量聖衆一切天真無邊無
極至真大神一切諸法有等不等衆生亦等
不等復有無量不可思議我常歷觀諸天諸
惡趣門故有六宮主其罪福一曰紂絕陰天
宮二曰泰殺諒事宗天宮三曰明晨耐犯武
城天宮四曰恬照罪氣天宮五曰宗靈七非
天宮六曰敢司連宛屢天宮復有二十四獄
一曰鑊湯地獄二曰銅柱地獄三曰鐵犁耕
舌地獄四曰刀山劒樹地獄五曰剉碓地獄

六曰毒蛇食心地獄七曰鎔銅灌口地獄八
曰爐炭地獄九曰鐵輪地獄十曰運石爲山
地獄十一曰鐵床地獄十二曰劍林地獄十
三曰寒冰地獄十四曰猛火地獄十五曰鐵
杖亂考地獄十六曰大石壓身地獄十七曰
鐵錐刺身地獄十八曰鐵丸地獄十九曰吞
火食炭地獄二十曰磴磨碓擣地獄二十一
曰鐵汁地獄二十二曰拔舌地獄二十三曰
鐵鎖地獄二十四曰鋸解地獄復有五苦之
門周圍二十四獄一曰色累苦心門二曰愛

累苦神門三曰貪累苦形門四曰華競苦精
門五曰身累苦冤門三塗上尸中尸下尸三
塗五苦八難之門復有九幽九獄分布四方
東風雷獄南火翳獄西金剛獄北漠冷獄中
普掠獄東南銅柱獄西南屠割獄西北火車
獄東北鑊湯獄復有男女墮落此中無有限
數非可堪忍不捨晝夜太極真人稽首禮拜
上白

天尊天尊曰此諸罪人不信三寶惟罪是修
故墮此間無有出期我今爲汝演揚正教無

上玉匱令諸衆生悉得解脫

玉虛君於是盟誓至真請出玉匱中科品皆

黃書青軸備言要品錄集救苦真符而白

天尊曰臣已聞是教典得如是法永離地獄
苦趣奉持玉契昇入金門無有滯礙中一卮

燈明分布八卮九獄皆除於大衆中若有聞
是法要恭聽法音便生快樂而說偈曰

天尊言曰此諸苦趣皆是自入若得聞法

亦是慶幸汝今宣揚當自堅固勇猛精進

復以光明清靜法水破除諸障惟破八獄

中及五苦 自然消滅 萬里鐵城 崩落如沙

上鍊經靈符

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

四

九

玉清境上鍊經終

玉清境上妙功德經 第十一

道言善哉善哉若復有無量天真大聖至真
大神於其會中東西南北飛天神王咸皆稽
首種種法緣非可盡言四方大智可令此等
無量無邊若諸男女能發善心生大智慧先

當調伏其心修行要行如是要行度入法輪
飛天流轉大藏正教五千餘文萬八千篇盡
歸寶藏飛天八神運力旋轉四方金龍旋柱
闔珠八面垂珠三十二館閣三十二天帝周
迴八方五色祥雲敷地擁出光明遍照藏心

書九天生神章經餘經皆歸館閣轉輪三度
咸使衆生皆明真性能於法輪受以勸戒使
得更生還生人中了見諸法無有疑惑種種
善根修此要道無邊智慧無量教法皆在其
中萬世通行無有障礙如是功德無有窮盡
實難思議於其衆中能明是理一切見聞悉
皆如意其或未聞如是要法亦當發心歸依
隨法輪轉略聽真音亦得解脫修此要道莫
生退悔精進誦詠以聞奧妙上真之道而復
光明救度一切免離苦趣作大利益種種方

便進修行業天人歸依百千萬劫已生當生
未生若發善念當須敬奉引入法門使於此
生當生漸漸聞法無有魔障亦能得遇此法
若復有人已於法中聞是說已亦能精勤而
無終始初雖得道後生退悔貪著世緣亦無

日四

十

解脫汝等當依我說聽受廣開法門自堅本
行亦使未悟者悟未聞者聞建大功德諸行
成就度入善果見大因緣普入無為之果更
入鍊度以致道真入清靜果諸有所作普皆
上善如是一切具諸功德力無量無邊悉皆

具足細微之力法始萌芽不善修持而失法
本不能長生若能積習功德無有限量我即
說法之時不有亦不無以是因緣故諸法應
亦無我無人種種見聞悉皆成就以斯妙力
是大不可思議而說偈曰

能知古始 謂是道紀 未解令解 道之種子
所以者何 天尊智慧 不可量極 微妙之義
深遠難識 強為其相 慧行難思 應見諸法
何為不得 是諸衆生 貪著不識 若明皆悟

上妙功德經靈符

禿
𠄎
𠄎
𠄎
𠄎
𠄎
𠄎
𠄎
𠄎
𠄎

𠄎
𠄎
𠄎
𠄎
𠄎
𠄎
𠄎
𠄎
𠄎
𠄎

𠄎
𠄎
𠄎
𠄎
𠄎
𠄎
𠄎
𠄎
𠄎
𠄎

玉清境上妙功德經終

玉清境道德經第十二

我說一切皆是微妙汝等衆真於過去未來
今生皆有無量智慧而不明了八達交橫種
種業緣皆非正念或有上品不明正性未全
大乘猶貪香花不生道德不發智慧不行善
信亦能墮落況或有人顛倒非意永失因緣
不遇三寶不聞要法不聞法鼓不聞祕藏如
是之人若聽我說法亦不能分別所作亦不
分別爲法相亦不分別既無自性亦無他性
若能於此中得聞是說而能解悟則於一切

法中皆得成就而至不生不滅而復成就一切法而離諸法相一切言說亦離諸所言說不言不說是明法要欲行大道莫示小逕無以大海內水譬諸小水無以太陽譬於餘光我於說法無有滯礙一切圓滿實難思議實難辯明徧滿三千大千具諸法界如視掌中不以二相亦無妄相清靜無爲無今無古無終無始廣勸衆生以求善本捨此身命方求解悟堅修法教悉皆圓滿甚大饒益一切衆生即於此時於未來世中流布教法未見未

聞及他國土餘諸愚闇未有達者皆令因今
說法亦得解悟既得解悟入不退轉無為大
業到長壽處第一勝因難可譬喻於是衆中
稽首禮拜五體投地歡喜踊躍大聲讚嘆是
大不可思議功德無有邊際我今聞說千萬

日四

十二

劫中未有今日一言即於此中無限真人聞
是說已瞻禮金容拜受玉科皆得解悟須臾
之間得不可思議復有無量無邊諸天神王
及諸聖衆從空而來皆欲增益道德妙有真
靜無量大神及諸仙衆同時稽首無上正真

微妙要品皆是大梵若有見聞悉皆利益而
況持誦授諸戒法及廣勸衆生均受妙法得
大圓滿具足法性六慾不生三毒皆滅神識
俱清成大通智慧轉轉教人以此功德無有
限量是真教法難盡宣揚而說偈曰

汝等當知 靜有二種 一者有靜 我念精微
常念靜行 二者空靜 思念如海 常念精行
即存守一 方得淵源 得究竟靜 盡有歸依
得於諸法 乃可無盡 以諸衆生 本先自澄



專
與
山
處

山
處
申
處

日四

十三

未
處
處
處

玉清境道德經終

